

**-SAVJET ZA RODNU RAVNOPRAVNOST-**

Broj: 0101-11385-1/23

Sarajevo, 15. 11. 2023. godine

**Z A P I S N I K****SA 1. KONSTITUIRAJUĆE SJEDNICE SAVJETA ZA RODNU RAVNOPRAVNOST  
UNIVERZITETA U SARAJEVU ODRŽANE 15. 11. 2023. GODINE**

**Prisutne/i:** prof. dr. Amila Ždralović, prof. dr. Ajla Demiragić, prof. dr. Dženita Hadžijunuzović-Alagić, dr. sc. Maida Hadžić Omanović, Institut za genetičko inženjerstvo i biotehnologiju, doc. dr. Belma Memić, Fakultet za saobraćaj i komunikacije, prof. dr. Zilka Spahić-Šiljak, dr. sc. Gaj Trifković, te Alma Voloder-Madacki, sekretarka Savjeta.

**Odsutne/i:** prof. dr. Jasna Kovačević i red. prof. Ermin Bravo.

Sjednica je počela u 10:00 sati.

Jednoglasno je usvojen slijedeći

**D N E V N I R E D:**

1. Izbor predsjednice/predsjednika i zamjenice/zamjenika predsjednice/predsjednika Savjeta za rodnu ravnopravnost Univerziteta u Sarajevu
2. Nacrt Poslovnika o radu Savjeta za rodnu ravnopravnost Univerziteta u Sarajevu
3. Aktivnosti na izradi Akcionog plana za rodnu ravnopravnost Univerziteta u Sarajevu (GEP UNSA)
4. Tekuća pitanja.

## TOK SJEDNICE:

### Ad-1.

Za predsjednicu Savjeta za rodnu ravnopravnost Univerziteta u Sarajevu, jednoglasno je izabrana prof. dr. Amila Ždralović, a za zamjenika predsjednice jednoglasno je izabran dr. sc. Gaj Trifković.

### Ad-2.

Nakon kraće diskusije o predloženom Nacrtu Poslovnika o radu Savjeta za rodnu ravnopravnost Univerziteta u Sarajevu, uz prihvaćenu sugestiju prof. dr. Amile Ždralović da se u članu 4. stav (2) precizira da se sjednice Savjeta održavaju najmanje jednom u tekućoj akademskoj godini, jednoglasno je donesen Poslovnik o radu Savjeta za rodnu ravnopravnost Univerziteta u Sarajevu.

### Ad-3.

Članice/član Savjeta diskutirali su dinamici aktivnosti na izradi novog Akcionog plana za rodnu ravnopravnost Univerziteta u Sarajevu (GEP UNSA), s obzirom da postojeći Akcioni plan obuhvata period 2022-2023. godina. S tim u vezi konstatirano je da je potrebno Prijedlog novog Akcionog plana za rodnu ravnopravnost Univerziteta u Sarajevu, putem Savjeta za rodnu ravnopravnost, uputiti na decembarsku sjednicu Senata Univerziteta u Sarajevu, na razmatranje i odlučivanje.

### Ad-4.

Na održanoj sjednici diskutirano je o nadležnostima Savjeta posebno u domenu davanja mišljenja u vezi sa rodnom dimenzijom u obrazovanju, naučnoistraživačkom i umjetničkoistraživačkom radu na Univerzitetu. S tim u vezi konstatirano je da je potrebno utvrditi obrazac po uzoru na obrazac koji je izradio Etički savjet Univerziteta za ocjenu etičnosti određenog postupka/istraživanja.

Također je istaknuta potreba veće vidljivosti rada i djelovanja Savjeta za rodnu ravnopravnost kroz izradu novog direktorija na web stranici Univerziteta [www.unsa.ba](http://www.unsa.ba) na kojoj bi se objavljivale aktivnosti Savjeta, te putem koje bi se fakulteti, akademije, instituti i drugi mogli blagovremeno informirati o radu i djelovanju Savjeta.

Na održanoj sjednici se također konstatiralo da je 2021. godine aktom Univerziteta zatraženo od članica da imenuju savjetnika/savjetnicu za prevenciju seksualnog i spolnog uznemiravanja (u skladu sa Protokolom o postupanju u slučaju seksualnog i spolno zasnovanog uznemiravanja, kao oblika nasilja u organima uprave, javnim preduzećima, javnim ustanovama i pravnim licima čiji je osnivač Kanton Sarajevo), koja/i se imenuje na period od četiri (4) godine, te da je u narednom periodu potrebno organizirati sastanak sa imenovanim savjetnicima i savjetnicama.

Na sjednici je zaključeno da se u narednom periodu treba organizirati sastanak sa Odborom za upravljanje kvalitetom Univerziteta u Sarajevu na kojem bi se, između ostalog, diskutiralo i o studentskim evaluacijama na fakultetima i akademijama Univerziteta u Sarajevu

Sjednica je završena u 11:30 sati.

***PREDSJEDNICA SAVJETA***

***Prof. dr. Amila Ždralović***



***Za Zapisnik:***



***Alma Voloder-Madacki, dipl.iur.***